

## Hauteskundeei jarriak

### I

Hauteskundeok foru ta udal  
mapa aldatu digute  
izan badira, pasa dira ta  
tratuan hor dihardute  
teknologia berriek zenbat  
Botere eta entzute...  
Demokrazia ere ia-ia  
digitalizatu dute.



DANI BLANCO

### IV

Ta Nafarroa, askoren amets  
ta aldaketa irudi  
urte askotako ukazioa  
urte askotako eskubi  
baina ametsen langa noraino  
jaitsi ote zaigu guri?  
Orain Sanz ez den beste guztiak  
ona ta dena dirudi.

### II

Kalkulagailu eta behatz bat  
zerrenda festaren langai  
ezker-eskubi jo du kolpea  
baita asmatu ere, ai  
batzuei hego muturrak moztu  
ez nonbait hegatzetik nahi  
baina, egiten utzi zutenei  
ziri ederra ere bai.

### V

Hizkuntza ardatz hartu ezker  
ez gaude oso txukunak:  
a zer euskera daukaten Lazkoz,  
Elorzak eta Azkunak  
Sanz, Puras Prieto, Buen, De Andres Guerra...  
presidente zein ahaldunak:  
Zortzi aginte aulki nagusi,  
eta zenbat euskaldunak?

### III

Herri zati bat botorik gabe  
non uzten dute horrela?  
Hor erantzuna garbia izan da,  
nota hartu dezatela  
nuloak ere baliozkoak  
noski balio dutela...  
Baldin zenbaitek sinestu ezker  
baliozkoak direla

### VI

Bertso gutxitan azaldu ezin  
botoen erabakiak  
bozkaontziak itxi berritan,  
ta ateak irekiak  
egun batetik bestera, baina,  
alda litezke guztiak  
segun da nola trukutzen diren  
programak eta aulkiak.